


旅大文獻徵存
續編
補遺



旅大文獻徵存續編書後

我國旅順大連兩地濱海之區清季迭遭兵燹文獻幾無可徵孫君玉良關心茲事著有旅大文獻徵存八卷曾經易縣陳紫綸太史商榷於金州沿革之原委甲午兵禍之慘酷記述尤詳予讀而序之寒暑屢遷忽忽十載矣玉良年來養疴閭里寄跡林泉每憲耆舊凋零文物星散後之人艱於考獻乃各方搜輯故事凡見諸名人筆記叙事翔實暨父老口傳可徵輿論者周諮博訪纂成續編一卷

書後

以補正編之未備而存信史於不泯此玉良增訂拾遺急不容緩之微意也語謂古鑑所以照形往事可以知今夫知今必考諸往事亦猶照形之必籍古鑑然則信今傳古之作可不重歟後之君子感今懷古留心地方志乘者亦必於此取材焉玉良不遠千里函屬題簽因復叙其概畧云

公元一九七零年農曆庚戌八月

古郊九十叟孫似樓稿于京師四素齋


旅大文獻徵存續編

乙巳春三月余自連濱重返故里從事稼穡時抱
心臟病猶未愈也光陰荏苒瞬經五載驚濤駭浪
變幻多端插架圖書散佚殆盡拙著僅存者旅大
文獻徵存八卷而已拾遺訂悞豈容愒置尋諸故
紙堆中復得三十六條彙為一卷顏曰續編以存
桑梓故實而不暇計其簡陋焉往歲陳蟄廬太史
孫似樓明經於拙著多所匡正今將二老傳略附
載於後俾不忘其高誼云爾庚戌八月孫寶田記
於兩間草堂時年六十有八

文續

金州城北九里莊與三十里堡之山野間時常發現三
葉蟲化石地質學家以為古生代海中特產之甲殼蟲
類在動物中為最古者在志留利亞紀最為繁榮數億
年前旅大地區原為海洋後經滄桑迭變始成今日之
半島云

光緒六年旅順口修船塢於海底挖出蟹蛤化石此二
種化石余皆見之其蟹大今營造尺四寸餘八足二螯
俱全殼色赭有光澤螯之斷處肉色紅潤殼上泥沾處
堅如今之水泥蛤之大小與今海中所產之蛤蜊相同
但未鑿破驗之不知殼內如何此皆遠古遺物也



光復後旅順南山裏郭家屯北方高邱發現新石器時代古村遺址面積東西寬與南北長各有四百米左右經過四千多年風沙堆積壓在地下灰層厚約二米分為兩層下層是早期上層是後來住民遺存出土生產工具有石斧石斨石錐狩獵工具有石鏃石球又有研磨白米所用之石磨棒石杵磨製石器所用之砥石收割稼穡與切物用之雙孔石刀紡織用之陶紡輪日常生活用之陶鼎平底黑陶盆罐豆碗以及裏表漆亮之蛋殼陶此陶內外磨光厚零二厘米大量貝殼獸骨等由此推測當年古村居民即在附近平地上種植稼穡在西面距今

文續

二

四華里之渤海灣裡捕魚挖貝在東面老鐵山原始森林中用弓箭石球捕捉野獸婦女在家紡織縫紉其南北兩面之小河為居民飲水之源從出土文物對照與山東章邱縣龍山鎮出土文物相同而其中之黑陶器蛋殼陶磨製之石斧石斨磨棒石刀等均與龍山文物有共同特點此處早期人類是從山東半島跨海而來之華夏族曩在旅順南山裡將軍山營城子北四平山石塚墓發現之物皆屬於龍山文化系統此外羊頭窪大台山山頭村南山諸處出土之褐陶石劍石矛彩繪陶青銅器等應在龍山文化後期今此古村遺址提供

豐富資料所謂旅大地區屬於龍山文物範疇者信有徵焉

光復後五年金縣城內拆毀關帝廟友人王君設酒店於廟旁歷有年所告余曰在廟前影壁旁之旗杆夾石下掘出宋墓一座渠曾見之墓碣為工人粉碎雜亂石中棄諸真武廟院內余聞之往尋石刻在亂石堆中僅覓得殘石一片上鐫贊善二字無從知逝者姓名歲月按唐置贊善大夫為東宮之官屬詹事府掌侍從翊贊歷代因之但稱贊善此廟創建不知何年碑稱明正德年重修銅像雄偉座下有井覆以鐵鍋歲久井督則知

文續

三

此處向在低窪建廟之始應已墊平荒塚未遷湮沒土中此墓當在明以前若唐人所葬未獲左證宋時政教弗逮遼金以後未聞地方人有官贊善者王君誠樸素不妄言誌以俟考

光復後金縣郊區修築水庫往往發現古錢其中數量最多者當以一九五八年三月在亮甲店都家村出土之古錢為鉅經旅順博物館整理計有五十八種三百十餘斤三萬零七百四十餘枚鑄造時代有西漢半兩漢至隋代五銖新莽貨泉大泉五十唐開元通寶北宋元豐通寶此一種三十九百七十五枚元祐通寶此一種二千三百八十三枚金

大定通寶史稱唐初買米一石需開元通寶三四十錢
盛唐時官定絹價每匹五百五十文錢宋初官定米價
每斗七十文錢元豐二年在鄉村買米每斗需二十文
錢金時幣值貶低大定四年世宗命扈從人員借宿民
宅者每人日付租錢一百文幣值逐年降低而人民何
以又將大批錢幣埋於土中且歷次出土之錢以宋錢
居多元以後未見焉度在遼金時代此地屬於異族宗
金戰爭連年住民避免兵禍逃竄遠方銅錢不便攜帶
遂墜土中流亡日久失所在矣
廣鹿島哭娘頂有一古碑文字難辨或謂遼金遺文光

文續

四

復後蘇聯駐兵島上演砲擊墜井中

廣鹿島有明天啓二年張公德政碑未載事跡亦無名
字今以歲時考之當是明故都司張盤

天后宮在金州城內西南坊乾隆間山東船戶醵資建
築前門額曰山東會館故亦稱會館廟廟宇宏敞正殿
九楹祀奉天后聖母殿內設萬壽宮供奉龍牌為慶典
朝賀以及地方官履新拜牌之處東院為客堂僧舍西
院為風神殿前殿祀地藏王東西各有神殿前門二中
築戲樓相傳工竣時倩人書匾無稱意者工人王丕純
自薦監工者姑試之不純振筆大書省觀世跡四字氣

象雄偉為邑中寺觀堂榜之冠又撰楹聯云優孟衣冠
假笑啼中真面目騷人游戲小風流處大文章款署乾
隆乙未長至日即墨王丕純題聞丕純為山左儒士渡
海來遼資斧告罄雜於傭保中監修者乃厚備川資送
其回里云

邑進士喬有年於同治間由工部屯田司出宰山東章
邱縣檢閱滯獄有塾生冒充未婚夫擊斃人命懸案先
是章邱城內有甲乙兩姓定婚甲姓子復與乙姓子同
學一日乙姓子手持荷包甲姓子見而索之乙姓子曰
容我回家央吾姊給你綉一個歸告其姊姊將荷包綉

文續

五

成交其弟轉致未婚夫適此日甲姓子因事未至塾荷
色被大學長奪去其弟歸未對姊言姊亦不知也一夕
大學長懷荷包至乙姓女室冒充未婚夫女見荷包以
為真其夫竟宿於室中黎明將出其弟見之訝曰你何
時到吾姊室中大學長於凡上拾石硯擊之中腦斃命
女其實告其父母訴之官前任縣宰將兩姓子女繫於
獄中久未能決有年莅任之始閱案疑有屈情乃將兩
家子女提出謂之曰殺人者須償命明日即處刑今晚
汝二人可暢談一宿暗令獄卒收拾一室設燭備食有
年夫婦在窗外窺聽見男坐橙上女坐炕上二人只是

痛哭未發一言午夜後女曰你哭什麼男曰冤屈女曰
冤屈什麼我姊弟兩個人命抵不住你一個命嗚男曰
誰往你家去啦女曰你去的有荷包為証男曰誰看見
你綉的荷包其人既在你室住一宿身上沒有特徵嗎
女曰肩有黑疤男立將上衣脫下謂女曰你看我肩上
有黑疤嗎女細審之肩無黑疤知其中出錯有年夫婦
聽至此處即返內室翌日遣人請塾師領學生來署中
塾師至有年曰某初到此事多不黯請夫子見教塾師
曰晚生教讀糊口不料塾中出此不幸之事望老父臺
明斷又談其他瑣務天已近午有年留師生共餐時在

文續

六

六月吃熱湯麪汗流浹背有年謂塾師曰天氣如此炎
熱我輩不要拘執可脫衣服涼爽師生皆不肯脫有年
乃先脫去塾師與學生亦皆脫下有年留心遍看師生
兩肩見大學長肩上有黑疤飯訖有年曰夫子領學生
回去休息大學長暫留此有事相詢師生去後有年升
堂一鞠得實遂將大學長繫獄兩家子女釋出男家聲
言退婚有年從中調和認乙姓女為義女以成全兩家
姻事復培養甲姓子入邑庠至今傳為德政

清史列傳

新辦大
臣傳四

徐邦道傳光緒二十年十月調防遼

陽田臺莊白廟子因蓋平失守赴援遲緩革職留任二

十一年在防病故按正定鎮總兵徐邦道於甲午九月奉命率楚軍三營赴援朝鮮過金州因平壤已失留金防禦是月二十六日倭軍萬餘人由貔子窩東花園口登陸抄襲旅大後路邦道奮勇拒敵屢挫敵鋒而在金州城東石門子一戰功績尤著終因寇來愈多淮軍違約兵無後援於十月八日退回旅順請益師以爭後路主軍者不允乃於二十三日率殘軍在旅順三澗堡北信台子鏖戰終日殲敵四百餘人戮其軍官一二十四日黎明在東雞冠山與敵軍戰至午後四時因淮軍統領黃仕林衛汝成趙懷業棄民船潛逃勢不能支遂衝

又續

七

出重圍到金州城外與宗慶援師退至蓋平至今人民稱頌邦道截寇殺敵之功不已論者謂當年旅順駐軍六將領若盡如邦道之奮勇則兩軍勝負未可知也閱李鴻章奏報旅順失守摺內亦云賊攻入旅順徐邦道在操場接戰又云邦道在教場溝被圍死剩十餘人猶戰不已而今清史列傳載邦道於是年十月調防遼陽於旅大殲寇之事一字不著以致後之讀史者竟疑邦道未至金州其殲寇之事係出傳聞之悞甚矣史之闕文不足徵也邦道四川涪州人久歷戎行累積軍功官記名提督其在旅大戰績詳見前編卷三茲復識於此以

補清史脫漏

田裕世居金州城內東街素習木工在副都統衙門服務官差光緒二十年甲午春二月重修西門外玉皇廟副都統連順派裕監工雜役中有一人華語不甚流暢當時以為南人來此不諳北方語者而不知其為日軍派遣之間諜也此人到處亂翻喻之不理搜索益甚疑其別有用心裕怒以掌擊之此人懷憤訪知裕家住址迨至九月末日軍罷旅大十月九日晨金州城陷此人隨軍領敵兵至裕家擁出擊斃之噫敵人巧佈細作疆吏疏於防諜坐令倭寇肆意屠殺無辜死者不計其數

文續

八

可慨也夫

光緒甲午十月二十四日夜日軍侵入旅順沿戶搜殺和順戲園老板王濱率演員八九十人出迎敵軍冀免屠戮敵軍見其衣冠楚楚疑為清廷官吏舉刀斫之演員驚奔敵軍追至戲園知為演劇者迫令開演以兩兵守之演至深夜看劇兵逐漸散去兩守兵酣睡演員乘機演武劇武生手持鋼刀將兩守兵斫死闐然逃散可見視敵如仇是普通一般人之心理

英國洋行設在旅順口岸供銷駐防清軍之日用品暗售鴉片藉以偵察軍情久與居民相熟洞悉地方情形

甲午中日之役日軍陷旅順生靈塗炭居民逃匿該行
院內百餘人未及於難

金州城西北山行十餘里有北屏山山巔有石洞深邃
莫測石佛儼然俗呼佛爺洞光緒間有孫道士隱居於
此長年跣足履雪行冰若不知有寒暑者嘗為人治病
輒瘳夜則靜坐石室中客至宿其傍雖有猛獸不為害
也甲午中日戰役邑人扶老攜幼避兵於此洞為之塞
道士乃東走窪子村見眾施禮其髮豎起該村適有日
軍駐在見道士髮豎異之以刀割其髮血如注日軍疑
為妖將殺之村中父老環請之言語不通以文字達之

文續

九

始得免道士返洞後住十餘年謂其徒曰異日院中火
起即吾羽化之時汝其誌之一日西廂失火鄰人往救
之火熄則道士跌坐而逝玉筯下垂至膝若有前知者
亦異人也

劉心田字伯良晚號一粟老人世居金州城南山下讀
書不慕榮利光緒間提督吳長慶由朝鮮調遣金州時
幕賓南通張謇与之相契尤深迨後銘軍統領劉盛休
駐軍大連灣欲在城南門外擇地安營農民恐碍耕種
惶惶不安心田向盛休言願將家中土地為駐軍札營
之用請勿占用他人田畝盛休嘉之保舉把總光緒二

十四年冬俄人強租旅大庚子之亂俄人將金州城內
清廷官吏拘而流之沙黑林復疑城內有伏兵架巨砲
於南山巔為屠城計心田聞之立見俄將言無其事願
以身家性命保之乃質心田於營中派兵入城搜尋果
伏兵遂釋心田全城數萬生靈得免於浩劫甲辰日俄
戰起日人侵占旅大軍馬倥偬之際聘心田為民務處
長華人有訴訟事則諮詢之以助聽斷心田一秉至公
無偏阿鄉人至今德之長年以書畫自娛求者盈戶民
國十三年卒

聊城楊保彝字鳳阿號海源閣主人同治庚午併丁卯

文續

十

科舉人官內閣中書光緒辛丑歸隱辛亥後二年卒著
有歸瓶齋詩鈔寄王竹吾金州防營云古戍薊門秋征入
竟白頭浮名消短劍明月下高樓戰血餘衰草笳聲訴
客愁比帆泊何處風浪滿東漚再寄竹吾云未解黃龍
戍秋防已屆春四方思猛士萬里有歸人風雪樽前淚
關河戰後身鳳凰江上路兩界畫圖新王竹吾名志脩
號脩廬山東諸城人同治舉人光緒丙申正月初七日
由鳳凰廳州判受印金州廳海防同知有曲氏并題詠
七古一首詠日軍入城曲氏一門死節事詩載前編卷

七藝文

光緒三十年甲辰正月日本與俄羅斯爭奪遼東戰事
尋起鏖戰八閱月俄軍敗績退出遼東日將乃木希典
有詩云山川草木轉荒涼十里風腥新戰場征馬不前
人不語金州城外立斜陽

甲辰日俄戰役日人由俄人手攫得旅大租借權南滿
鐵權^道美國鐵道大王哈利滿乘汽船繞道朝鮮灣而至
旅順口向日人收買南滿鐵道權日人允之既而悔之
日人
致書謝絕哈利滿日皇明治急頒勅令
設立南滿鐵道株式會社於大連市置總裁理事各課
課長分掌鐵道運輸事業進行其在滿洲獨占之特殊

文續

十一

事業

肅親王善耆字文堂號偶遂亭主宣統辛亥後卜居旅
順太陽溝口占云幽燕非故國長嘯返遼東回首看烽
火中原落照紅又集唐人詩句贈吾鄉李東園處士云
尋得桃源訪隱淪天涯去住淚沾巾江山故國空文藻
媿尔東西南北人處士名西字東園號南北散人世居
金州城北三十里堡善篆刻倚寓瀋陽

恭親王溥偉號錫晉齋主壬戌秋日自青島移居大連
築室星浦山莊賦詩揮毫以自遣懷和白樂天宮城早
秋韻云天心不厭亂四方多戰爭白露驚秋早遊人百

感生西風大鴈至夜雨草蟲鳴世亂桑麻少歲荒人命
輕江郎恨何極屈子怨難平緬邈龜山操弦歌望魯城
星浦山莊聞雁去露下青槐陌秋深白苧籬寇氛興未
艾遊子悵何之僕僕將焉獲勞勞多所思獨憐一行雁
不爽去年期春日詩云罨井新秧綠四圍餘寒未解舊
棉衣年年海角愁春去日日磯頭看鳥飛客舍松蘿經
宿雨漁家烟水靜朝暉東風處處皆芳草惆悵天涯恨
未歸

民國十五年丙寅正月奉天省長王永江辭去本蕪各
職養疴里門二月張學良軍長來金州探病坐談移晷

文續

十二

始返瀋陽是歲秋張作霖將軍乘南滿鐵道客車來游
旅大欲晤永江促其出山而永江無意問世不肯趨謁
及返旆時特在金州車站停車候之久候不至作霖悵
然返翌年入關稱陸海軍大元帥不納永江平素之諫
也民國十六年^{十月}永江病卒里第平生歷官事績見膠州
柯劭忞學士所撰墓誌茲不贅焉

上虞羅雪堂先生諱振玉字叔言晚號松翁博聞強識
當代通儒戊辰冬月自天津移家旅順卜宅將軍山畔
鉛槧不輟著述宏富有殷虛書契考釋殷虛書契前後
編殷虛書契菁華鐵雲藏龜鳴沙石室佚書西陲秘笈

古籍叢殘流沙墜簡集古遺文三代集金文存寢邨草
堂吉金圖隋唐以來官印集存唐宋以來官印集存墨
林星鳳永豐鄉人搨金石文字跋尾松翁近稿丙寅稿
丁戌稿遼居稿遼居雜著吉金盒叢書以及刊印前人
遺書不下五百種中外研究古器物金石學者咸宗之
庚午秋講學全州明倫堂庚辰五月十四日卒於旅順
春秋七十有五後人輯其遺著刊有貞松老人遺書貞
松老人外遺大雲書庫藏書題識宸翰樓藏書畫目錄
雲窗漫稿墓誌徵存等行世家子福成字君羨篤實輝
光古道照人精於西夏文字一九六零年十月一日卒

文續

十三

於大連年七十五

王煥廬先生諱李烈字君九江蘇長洲人光緒甲辰進
士官學部郎中戊辰秋避地大連築室文化台以著述
自娛庚午秋同羅雪堂先生講學全州先生秉性高潔
博究經史尤邃於崑曲著有集成曲譜與眾曲譜煥廬
曲談人獸鑑煥廬未定稿行世遺稿未刊者多散佚自
行在返連口占云脫却朝衣後重來理釣舟敢將嚴瀨
比竊附介山傳斯世工為域吾儕合伴鷗故園歸未得
夢裡到蘇州先生生於同治癸酉九月七日卒於一九
五二年壬辰二月一日葬北京翠微山麓福田公墓余

兩詣幽宮申難絮之敬而松風謾謾宿草已深緬懷音
容悲不能已也

民國二十年日軍侵占東三省中國訴諸日內瓦國際

聯盟翌年夏公元一九三二年國聯派李頓爵士來東北調查

偕中國參與員顧維鈞博士到金州城內由民務會長

曹世科陪同參觀遜氏舊宅觀畢即行北上

米翁詩鈔云友人画示王書記殉身故事悼以俚辭倭
寇犯中華沿海勢縱橫我國方示弱竟難与爭衡寇肆
鯨吞志謀蔽金州城防軍力不敵乞援往盛京軍事守
機密責任本非輕書記司筆札非同對壘爭更無守土

文續

十四

責毅然赴此行寇方包圍逼我急書記奮勇密登程詎
料中途遇敵詰迫切強制入敵營一時被囚立階下群
寇面目皆猙獰書記只為保機密以頭觸石作犧牲腦
漿橫灑入泥土熱血竟向敵人傾父老述往事涕淚襟
袖盈聞者慨然歎憑弔不勝情吁嗟乎王書記傳其姓
佚其名寧為玉碎死不作瓦全生但得一死殉國事不
必死後留虛榮君不見古今忠臣義士有多少慷慨節
烈出自性那管有名与無名

米翁再悼王書記詩云匹夫為國摧心肝觸石殉身已
大難父老至今傳往事一腔熱血未曾乾可憐身後不

知名秦嶽應同較重輕多少將軍曾畏死惟君烈烈自
長生為國捐軀近百年英風宛在史無前從今三字王
書記應與金州地共傳緣何小謫到塵寰文獻長留未
可刪願汝歸真蓬島上無須名字落人間

王書記供職
金州副都統

幕事見前
編卷三

孫詒琳似樓明經之女畢業北京師範大學教讀天津
女子中學家學淵源能詩咏金州歎云秦人坑降卒楚
人為京觀戰爭求殺敵生民不塗炭倭夷寇邊疆侵據
沿海岸嘯聚圍金州深宵復達旦我軍怯力單夷寇皆
精悍更恃兵甲強橫行無忌憚突入金州城居民急逃

文續

十五

竄寇未肆毒殺積屍成巨萬老弱任宰割婦女同罹難
玉石憐俱焚胡分貴與賤蕩折痛定黎曠野各奔散信
宿忍饑軀淒慘析骸爨仁人瘞遺骨千古成永歎父老
追述時揮淚如揮汗屈指瀕百年談虎色猶變指點萬
人坑草莽遠浩漫起伏互低昂纍纍不忍看獨怪秉國
鈞如何失廟算不思禦外侮坐視民靡亂

甲午戰役初起北洋大臣李鴻章派提督葉志超帶隊
赴朝鮮為各軍總指揮當時淮軍將領貪生怕死軍無
紀律吃空缺扣兵餉飾敗為功蒙蔽朝廷不幸左寶貴
英勇陣亡志超丟棄牙山基地掛白旗乞降由平壤奔

過鴨綠江防綫讓敵人侵占朝鮮伏下失却旅大張本
及海軍在黃海交戰濟遠管帶方伯謙過敵逃脫船撞
石礁影晌艦隊陣勢斬伯謙於旅順口臨刑猶不認罪
旅順營務處長龔照璵貪鄙庸劣聞日軍由花園口登
岸抄襲旅大後路遁往天津被李鴻章責斥而返旅又
潛逃烟台以致軍心渙散因照璵於北京監獄庚子聯
軍入京敵軍將其釋放購買軍需為敵盡力而不知恥
此皆志超作俑於前方龔效法於後清季將領腐朽如
斯以之禦侮焉能有濟
光復前日人以旅大氣候溫和物產豐饒適於日人生

文續

十六

活擬將地方居民遷往北滿由其國內移民來此厥後
傾覆居民未遭播遷金州民政署長河野占男欲將世
居華人更日本姓曾對會長曹世科言屬向華人勸誘
世科謂此事不可為徒惹居民反感僅在間談中露出
端倪聞者憤怒以為日人安忍阻兵逞快一時外強中
乾知進而不知退取敗之道也
劉贊清金州城西柳樹溝人樸誠公正勤苦好學光緒
時為官府所迫充倉科書差保全稅課及獄訟性命不
遺餘力生平成人之美不達人之惡晚歲家居適俄人
謀徵旅大田賦因未得到地畝冊子蓋金州廳同知銜

門之錢糧賦稅冊已於劃界時送往奉天省署矣俄人
遂丈量各區田畝延贊清為丈量師得為原業多方調
護及欲丈量硤瘠汙下不保賦課之地贊清力阻之俄
人不聽即日辭去

李鴻祿字壽堂清咸豐七年生於山東蓬萊光緒間挈
眷渡遼經商於金州城內遂著籍鴻祿秉性爽直重言
諾甲辰日俄戰後金州為日軍佔領地方設公議會置
正副會長協助官署處理城內商民兩事眾舉鴻祿為
正會長秉心公亮不避勞怨此時烽火始息崔符未清
有石河驛農民王姓者被人誣告有土匪潛宿其家日

文續

十七

署將王姓老幼十一人研訊一過驅赴刑場鴻祿察其
冤請釋不得乃以身障囚車願先死輪下日軍感動始
將王姓全家釋放某歲夏大連油坊因暑中停礮工人
多回里時又有復縣工友二十六人由連乘船返里路
過金州灣泊舟西海岸日署長吉田茂疑為逃匪緝捕
將殺之鴻祿力為保釋得無恙其他善舉甚多此其犖
犖大者焉民國二十一年偽滿成立鴻祿年已七十六
每閱報輒涔涔淚下不數年卒

金州城東江家屯有江六子者名敦父早喪與母同居
婦某氏不安於室與奸夫往來慮姑知之每於夫前盛

毀姑六子信之一日六子持菜刀斫母而咽喉未斷氣
息僅屬婦急至姑前佯為拭血而陰以棉裹利刃斷姑
咽喉遂死鄰右聞悉報官邑宰以治內出此逆倫事懼
罹譴囚六子夫婦送省垣監獄暗賂獄卒於夜間以紙
蒙六子夫婦面噴以白酒暴亡轉稟大府謂六子素患
瘋癲一時^{精神}錯亂悞傷其母以了此案時光緒某年也噫
母氏劬勞昊天罔極若江六子者聽婦言賊親恩誠禽
獸之不若也

光緒二十四年俄人強租旅大是年六月沙皇派其坐
探中國武備督辦營務處副將官倭高^格游擊官伊林思

文續

十八

齊到旅順劃界清廷派補用知府福培為分界委員以
全州協領高萬梅副之萬梅因與俄員言語齟齬不歡
而散改派協領慶霖霖以病辭又派海防同知涂景濤
會辦俄人狡展歷九閱月始竣景濤題勝水寺石刻有
句云酒酣拔劍歎汪洋長鯨未斬心憂惶敵愾深矣並
有專書記其事福培懦弱無能非折衝才有時不顧路
上行人隨處便溺人呼之曰福癡子貪俄人賄遇事附
和割棄國土俄人見清廷腐朽易欺貪婪無厭背約要
挾不一而足茲將歷次所訂不平等條約分述於下
光緒二十四年閏三月北京條約第一款有不侵犯中

國大皇帝主此地之權但其初議只租旅大兩海口及
劃界時僅存金州一城北界展至復州六村屯此非侵
犯中國領土而何第三款有治理地方大吏全歸俄國
但不得有總督巡撫名目而沙俄竟設關東都督府於
旅順任阿萊克塞夫將軍為大都督統治東方沿海一
切又以旅順口為其本國第二軍港大都督^督權力過於中
國之督撫一八八一年帝俄出兵強佔中國伊犁城盤
踞十年之久其年二月強迫清政府訂立伊犁條約先
後吞併中國領土七萬多平方公里一八五八年五月
俄帝利用第二次鴉片戰爭迫訂愛璦條約割黑龍江

文續

十九

以北外興安嶺以南六十多萬平方公里之大片領土
並將烏蘇里江以東中國領土划為中俄共管一八九
六年六月中俄密約更進一步涉及旅大矣今昔沙皇
前後一轍今中國人民已站起來了決不允許敵人侵
我領土一步

劉雨田字癸山其先隸漢軍旗籍由旅順某鄉遷普蘭
店北泡子村父營商饒資財光緒甲午中日戰爭日寇
由貔子窩東花園口登岸窺覬旅大後路謀者鄭永昌
日人覓嚮導聞雨田識途往說之雨田自謂為明代遺
化名民後裔志在扶明滅清永昌亦詭託鄭成功後人因慕

日本科學發達隨軍來此悠悠雨田赴軍前効力且習日語俟戰事結束再赴日留學雨田遂投敵軍拜大山巖為義父是年十月九日州城陷雨田腰繫軍刀腳踏同胞鮮血偕其父備車十輛滿載銀錢牛馬猪羊入城獻禮日人有詩云轅門獻禮表歸順明代遺民劉雨田外國記者拍照訝為奇事翌年九月日軍退清廷緝捕漢奸雨田亟售其家貲遁逃海外日皇賞予高等文官制服一襲雨田住東京十年教習日軍華語迨甲辰俄日戰役雨田返鄉鄉人以劉鬼子呼之某氏墓祭全州公議會長李鴻祿跪奠酒雨田袖剪刀剪其辮髮眾賓

文續

二十

譚然鴻祿歸語兩子兩子手扯雨田兩腿自南門口曳至關廟前遇人解說得脫倭署長聞之大不懌謂雨田已入國籍此舉不啻汙辱日本人鴻祿不得已宴客賠罪自此雨田行事對日人益恭謹而對鄉人則趾高氣無忌憚矣某歲雨田以關東州代表名義乘輪赴東京明治神宮荐新於舟中大肆毒吻謂中國遲早必亡與其遲亡不如早亡與其亡於他國不如亡於日本又謂世人為岳飛修武廟我意亦應為秦檜修文廟喪心病狂聞者側目噫雨田詭託明裔媚敵叛國洵無恥之尤矣錄之以為世戒

孫似樓明經撰易縣陳紫綸先生傳略云先生諱雲誥字紫綸晚號蟄廬姓陳氏清光緒三年丁丑生於河北省易縣世修孝弟力田之業弱冠有聲庠序光緒二十八年壬寅補行庚子辛丑併科舉於鄉癸卯春闈聯捷成進士入翰林院授編修擢國史館協修弼德院參議辛亥政變回里省親侍母疾晨昏不離左右者歷十餘年如一日澹泊寧靜樂道安貧自號蟄廬蓋自此始終養後因地方不靖不得安居避居京師以城市作山林秉國鈞執政柄者疊經來聘堅不肯出冀察綏當局慕其名欲禮聘為講師婉辭拒絕嗣乞作書以兩千金為

文續

二十一

酬不受僅納其筆墨文具之鏤有名款者復以講席為請且言厚贈先生曰位尊者多金無非取之於民實不忍受况以利誘亦非愛人以德嚴詞拒之或謂詞嫌過峻先生曰不峻拒不能杜其再來先生平素廉潔自持無敢以非禮干者其為人敬憚如此頻年授徒鬻字為生海內文人碩士益重其名瀛海客來得其片紙隻字以為榮幸當倭人侵據華北先生杜門不出時日本大使一再堅請皆嚴詞拒絕雖在鐵蹄淫威之下寧自茹苦含辛終於倏然遠引泊我中華人民共和國成立政府敬老崇文聘先生為中央文史研究館館員本其所

學究心文史以古牖今時有發明先生擅長書法曾被
推為首都書法研究會會長牖啓後學馳譽鄰邦前歲
壬寅先生年八十七在舊典重宴瓊林各方咸稱盛時
人瑞獻詩詞賀者絡繹不絕方謂老當益壯克享遐齡
詎意偶感風寒牽及腎臟竟於一九六五年乙巳正月
初三日立春次晨與世長辭享壽八十有九余與先生
累世深交嗣在文史館追陪有年最稱莫逆而又居鄰
密迩朝夕過從春秋佳日約同二三詩友作山水之遊
清談娓娓歷久不倦曾幾何時幽冥永隔今執筆追述
先生誼行不禁法然生死離別之感難自己也

文續

二十二

孫似樓名忠亮以字行山東鄒城人宣統己酉科拔貢
八十八歲以後號米翁自傳云翁不知何許人從不言
其姓氏里居但見其杖履春容精神強固與東瀛所謂
米壽者相彷彿群呼之曰為米翁翁亦欣然應之翁性
孤僻不樂與世俗伍偶遇之輒避去若將浼焉世變後
各地萑苻叢生避洩灤間抱關擊柝供其資斧大府重
其人延為掾既而酌其功畀以邑卻之畀一郡更卻之
曰吾無好亦無能樂為入幕賓便去就官吏不勝任也
旋因外寇突至北走燕山倚城西南隅有濠濮間樂遂
以都市作山林暇則收教貧鬼不取費不受酌其極貧

者則補足衣食以教以養二十年如一日少年多所成
就雖衣物書籍典鬻一空甚至饘粥不繼晏如也樞府
聞其誼行聘入史館月供廩粟或問翁曰向不食無功
祿今若何翁曰養老舊典於今尚在適館授餐乃中樞
雅意吾何為不受因與海內耆舊周旋二十年今年老
力衰謝絕世事潛居陋室交遊亦寡嘗謂冬為四時之
夜夜為一日之冬應如物藝靜坐守默有時吟詠自遣
雅不願為^外人道惟甘回道人清淡先生朝夕過從與淮
南黎祁老圃白菘尤稱莫逆幾至每飯不忘歲寒友中
情最篤交最久者無以過之人見其蕭然自得輒羨

文續

二十三

之曰矍鑠哉是翁翁矍然曰此東漢時人頌新息侯伏
波將軍語吾何足以當之群粲然翁亦輟然

旅大文獻徵存續編